

Il barschament da Surrein dils 2 da settember 1811

Autor(en): **Mathiuet, Martin**

Objektyp: **Article**

Zeitschrift: **Igl Ischi : organ della Romania (Societat de Students Romontschs)**

Band (Jahr): **72 (1987)**

Heft 28

PDF erstellt am: **20.06.2024**

Persistenter Link: <https://doi.org/10.5169/seals-881839>

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

Il barschament da Surrein dils 2 da settember 1811

da Martin Mathiuet

A caschun dall'inauguraziun dalla casa da scola nova, ils 8 da zercladur 1975, han ins saviu prender investa d'in document dil cumin dalla Cadi che datescha dils 9 da settember 1811. Quei scriver tradescha a nus enginas caussas appartenent il barschament d'ina part da nies vitg, ils 2 da settember 1811. Nus empruein, sefundond mo sin sura numnau scriver, da reconstruir quei trest eveniment.

Ei era suentermiezdi, denter las duas e las treis. Tut ch'era sil funs. Anetgamein ei rut ora fiug ella casa il pli giudem il vitg (da tgi?). Mo avon ch'ins seigi staus sil plaz eran las preits ed il tetg da slondas, bravamein schigentai dalla calira dil davos temps, en flommas. Gl'immens fiug, dirigiut dall'aurasut, sederscha ensiviars ed arsenta ulteriurs baghetgs. Malgrad che bia gliעד, dalunsch e damaneivel, era currida neutier, ha il maun human buca pudiu dar damogn al fiug. Suenter circa in'ura schischevan circa 16 casas, 6 truaischs e 18 clavaus ni nuegls en tschendra.

Ils habitonts dallas 30 casadas pertuccadas eran senza vestgadira, la vivonda, provisiun per casa e nuegl, tut era mo tschendra. Capeivel ch'ills donnegiai eran surpris d'anguoscha e desperaziun, tonpli «che beinzaconts ni vegnan ni ein el cass da bagegiar» lur tèt e regress. – Il donn caschunaus entras quei incendi schazegian las autoritads dil cumin ad ina summa da 22 535 fl(orins).

Ils vischins da Surrein supplicheschan il cumin per in sustegn. Las autoritads dil cumin decidan, en assenza dil mistral Theodor de Castenberg, d'inoltrar alla Regenza cantunala (Cussegl Pign) ina damonda per la lubientscha da collectar ellas vischnauncas da nies cantun, seigi quei daners, vivonda, victualias, vestgadira ni mobilies da casa. La residenza dil cumin recamonda ils deputai Str. Jacob Disch e Loreng Maissen sco protecturs da quella interpresa.

La scartira ei suttascreta digl «emprem comember gilg Obercheit, Giachen Antoni Gieriet, scarvon dil cumin dalla Cadi».

Ils 12 da settember 1811 declara il Cussegl Pign la genuinadad dil scriver ed appellescha a tuts habitonts dil cantun da segidar cun ils disgraziats da Surrein. Per mauns dil Cussegl Pign segnan il president: R. von Salis, Soglio ed il directur dalla canzlia: C. Wredow.